

Na osnovi člana 67. stav 2. tač. b) i c) Zakona o prostornom uređenju (Sl. novine KSB/SBK br. 11/14) na prijedlog Kantonalnog ministarstva prostornog uređenja, građenja, zaštite okoliša, povratka i stambenih poslova, Vlada KSB/SBK d o n o s i

U R E D B U

O GRAĐEVINAMA I ZAHVATIMA U PROSTORU OD ZNAČAJA ZA KANTON

DIO I OPĆE ODREDBE

Član 1.

(predmet)

Ovom Uredbom određuju se građevine i zahvati od značaja za Srednjobosanski kanton/Kanton Središnja Bosna (u daljem tekstu: Kanton) za koje urbanističku saglasnost i/ili lokacijsku informaciju izdaje Kantonalno ministarstvo prostornog uređenja, građenja, zaštite okoliša, povratka i stambenih poslova (u daljem tekstu: Ministarstvo).

POGLAVLJE I. GRAĐEVINE I ZAHVATI OD ZNAČAJA ZA KANTON

Član 2.

(vrsta građevina i radova)

1. GRAĐEVINE SAOBRAĆAJA I VEZA

- regionalne cesta
- rekonstrukcija magistralne ceste kojom se ne mijenja trasa

2. ENERGETSKE GRAĐEVINE

- električna centrala instalirane snage ispod 30 MW sa pripadajućim građevinama,
- dalekovod 110 kV s trafo stanicom i rasklopnim postrojenjem na tom dalekovodu,
- vjetroparkovi ispod 4 vjetroturbine,
- regionalni cjevovodi za transport plina, nafte i naftnih derivata,
- podzemna skladišta prirodnog plina kapaciteta do 50000 tona,
- eksploataciona polja mineralnih sirovina sa pratećim objektima na površini ispod 5 ha,
- skladište ukapljenog naftnog plina koje je samostalni objekat kapaciteta ispod 10 000 t.

3. VODNE GRAĐEVINE

- regulacijsku i zaštitnu vodnu građevinu na vodama II (drugog) reda,
- brana sa akumulacijom ili retencijskim prostorom sa pripadajućim građevinama koje zadovoljavaju kriterije malih brana,
- vodna građevina za vodoopskrbu kapaciteta zahvata ispod od 100 do 500 l/s,
- vodna građevina za zaštitu voda kapaciteta od 30 000 do 100 000 ekvivalentnih stanovnika,
- građevina od značajnijeg uticaja na širi prostor površine sliva ispod 80 km²
- zaštitni i regulacijski objekti kojima se vrši uticaj na područje drugog kantona bez obzira na veličinu i kapacitet.

4. SPORTSKE GRAĐEVINE

- sportski i rekreacijski centri površine 5 do 10 ha,
- igralište za golf s pratećim sadržajima površine 5 do 10 ha
- sportski objekti kantonalnog značaja, koje kao takve proglasi Vlada Kantona

5. OSTALE GRAĐEVINE

- objekti obrazovanja, kulture i zdravstva kantonalnog značaja, koje kao takve proglasi Vlada Kantona
- banjsko-liječilišni kompleksi površine 5 do 10 ha

6. ISTRAŽNI RADOVI

- radovi na istraživanju mineralnih sirovina

POGONI I POSTORJENJA KOJI MOGU U ZNATNOJ MJERI UTICATI NA OKOLIŠ, ŽIVOT I ZDRAVLJE LJUDI KANTONA

- građevine, djelatnosti i zahvati za koje Kantonalno ministarstvo prostornog uređenja, građenja, zaštite okoliša, povratka i stambenih poslova SBK/KSB izdaje okolinsku dozvolu definirane Pravilnikom o pogonima i postrojenjima koji mogu biti izgrađeni i pušteni u rad samo ako imaju okolinsku dozvolu.
- građevine, djelatnosti i zahvati za koje Federalno ministarstvo zaštite okoliša izdaje okolinsku dozvolu, definirane Pravilnikom o pogonima i postrojenjima za koje je obavezna procjena uticaja na okoliš i pogonima i postrojenjima koji mogu biti izgrađeni i pušteni u rad samo ako imaju okolinsku dozvolu, a za koje nije potrebno pribavljanje Studije o procjeni okoliša.

POGLAVLJE II INSPEKCIJSKI NADZOR

Član 3.

(nadležnost)

Nadzor nad provođenjem odredaba ove Uredbe vrši Ministarstvo.

Poslove inspekcijskog nadzora vrši kantonalna urbanistička i građevinska inspekcija.

DIO II PRIJELAZNE I ZAVRŠNE ODREDBE

Član 4.

(vođenje upravnog postupka)

Postupci izdavanja urbanističke saglasnosti i lokacijske informacije započete prije stupanja na snagu ove uredbe dovršit će se prema propisu koji je u vrijeme podnošenja zahtjeva bio na snazi a važeće i pravosnažne urbanističke suglasnosti i lokacijske informacije koje je izdao drugi organ do dana stupanja na snagu ove uredbe, priznaju se u postupku izdavanja odobrenja za građenje.

Član 5.

(stupanje na snagu)

Ova Uredba stupa na snagu osmog dana od dana objavljivanja u "Službenim novinama KSB/SBK".

Broj 01-02-662/15 /
9. Novembra 2015

Travnik

Premijer